

法句譬喻經卷第二

獸四

西晉沙門法炬共法立譯

放逸品第十

昔佛在世時有五百賈客從海中大持七寶還歸本國經歷深山爲惡鬼所迷不能得出糧食乏盡窮頓困厄遂皆飢死所賚寶貨散在山間時有沙門在山中學道見其如此便起想念吾勤苦學道積已七年不能得道又

復貧窮無以自濟此寶物無主取之持歸用立門戶於是下山拾取寶物藏著一處已便出山求呼兄弟負駄持歸方到道半佛念比丘應當得度佛便化作一比丘尼剃頭法服

報延長於是比丘尼爲說偈言  
比丘謹慎戒 放逸多憂患 變諍小致大  
積惡入火焚 守戒福致喜 犯戒有懼心  
能斷三界漏 此乃近涅槃  
是時比丘尼說此偈已爲現佛身相好光明  
沙門見之悚然毛堅稽首佛足悔過自陳愚  
癡迷謬違犯正教往而不返其將柰何於是  
出尊耶說偈言  
若前放逸 後能自禁 是照世間 念定其宜  
過失爲惡 追覆以善 是照世間 念善其宜  
少壯捨家 盛修佛教 是照世間 如月雲消  
人前爲惡 後止不犯 是照世間 如月雲消

粧面畫眉金銀瓔珞隨谷入山道逢沙門頭  
面作禮問訊起居道人呵比丘尼曰爲道之  
法應得爾不剃頭著法衣云何復粧面畫眉

瓔珞身體也比丘尼答曰沙門之法爲應尔  
不辟親學道山居靜志云何復取非其財物  
貪欲忘道快心放意不計無常生世如寄罪

於是比丘重聞此偈結解貪止稽首佛足還  
到樹下數息相隨止觀還淨獲道果證成阿  
羅漢

法句譬喻經心意品第十一

昔佛在世時有一道人在河邊樹下學道十  
二年中貪想不除走心散意但念六欲目色

耳聲鼻香口味身更心法身靜意遊曾無寧

息十二年中不能得道佛知可度化作沙門

往至其所樹下共宿須臾月明有龜從河中出來至樹下復有水狗飢行求食與龜相逢便欲噉龜龜縮其頭尾及其四脚藏於甲中不能得噉水狗小遠復出頭足行步如故不

獸四

能奈何遂便得脫於是道人問化沙門此龜有護命之鎧水狗不能得其便化沙門答曰吾念世人不如此龜不知無常放恣六情外魔得便形壞神去生死無端輪轉五道苦惱百千皆意所造宜自勉勵永滅度安於是化沙門即說偈言

有身不父 皆當歸土 形壞神去 寄住何貪  
心務造處 往來無端 念多邪僻 自爲招患  
是意自造 非父母爲 可勉向正 爲福勿回  
藏六如龜 防意如城 慧與魔戰 勝則無患  
於是比丘聞說此偈貪斷姪止即得羅漢道  
知化沙門是佛世尊敬肅整服稽首佛足天

龍鬼神莫不歡喜

法句譬喻經華香品第十二

昔佛在舍衛國國東南海中有臺臺上有華香樹樹木清淨有婆羅門女五百人奉事異道意甚精進不知有佛時諸女自相謂曰我等稟形生爲女人從少至老爲三事所鑑不

得自由命又短促形如幻化當復死亡不如共至華香臺上採取香華精進持齋降屈梵天當從求願願生梵天長壽不死又得自在無有監忌離諸罪對無復憂患即賣供具往至臺上採取華香奉事梵天一心持齋願屈尊神於是世尊見此諸女雖爲俗齋其心精

獸四

進應可化度即與大衆弟子善薩天龍鬼神飛昇虛空往至臺上坐於樹下諸女歡喜謂是梵天自相慶慰得我所願矣時一天人語諸女言此非梵天是三界尊號名爲佛度人無量於是諸女前至佛所爲佛作禮前白佛言我等多垢今爲女人求離監檢願生梵天

佛言諸女快得善利乃發此願世有二事其報明審爲善受福爲惡受殃世間之苦天上之樂有爲之煩無爲之寂誰能選擇取其真者善哉諸女乃有明志於是世尊即說偈言孰能擇地 捨監取天 誰說法句 如擇善華

學者擇地 捨監取天 善說法句 能採德華

知世坏喻 幻法忽有 斷魔華敷 不覩死生  
見身如沫 幻法自然 斷魔華敷 不覩死生  
於是諸女聞佛此偈願學真道爲比丘尼頭  
髮自墮法衣具足思惟寂定即得羅漢道阿  
難白佛言今此諸女素有何德乃令世尊而  
就度之一聞說法出家得道也佛告阿難昔

迦葉佛時有大長者財富無數夫人嫁女有  
五百人其性妬惡門不妄開夫人嫁女欲往  
會會輒竟日時夫人嫁女見長者入會便共  
至佛所稽首作禮小坐聽經各發願言令我  
世世莫與惡人相遭遇所生之處恒與道德

聖人相值聞來世有佛名釋迦文願與相值  
出家學道奉持訓誨佛語阿難尔時夫人嫁  
女五百人者今此五百比丘尼是本願懇惻  
今應得度是以世尊就度之耳佛說是時莫  
不敬喜

昔佛始得道在羅閱祇國教化轉到舍衛國  
國王群臣莫不宗仰時有賈客入人名曰波  
利與五百賈人入海求寶時海神出掬水問  
波利言海水爲多掬水爲多波利答曰掬水  
爲多所以者何海水雖多無益時用不能救  
彼飢渴之人掬水雖少值彼渴者持用與之  
以濟其命世世受福不可貲計海神歡喜讚

默四

四

言善哉即脫身上八種香瓔校以七寶以與  
波利海神送之安善往還到舍衛國持此香  
瓔上波斯匿王具陳所由念是香瓔非小人  
所服謹以貢上願蒙納受王得香瓔以爲奇  
異即呼諸夫人羅列前住若最好者以香瓔  
與之六萬夫人盡嚴來出王問末利夫人何

以不出侍人答言今十五日持佛法齋素服

不嚴是以不出王便瞋恚遣人呼曰如今持  
齋應違王之命不乎如是三反末利夫人素  
服而出在衆人中明如日月倍好於常王意  
悚然加敬問曰有何道德炳然有異夫人白  
王自念少福稟斯女形情態垢穢日夜山積  
人命短促懼墮三塗是以月月奉佛法齋割  
愛從道世世蒙福王聞歡喜便以香饗以與  
末利夫人夫人答言我今持齋不應著此可  
與餘人王曰我本發意欲與勝者卿今竄勝  
又奉法齋道志殊高是以相與若卿不受吾  
將安置夫人答言大王勿憂願王屈意共到  
佛所以此香饗奉上世尊并採聖訓累劫之  
福矣王即許焉即勑嚴駕往到佛所稽首於  
地却就王位王白佛言海神香饗波利所上  
六萬夫人莫不貪得末利夫人與而不取持  
佛法齋心無貪欲謹以上佛願垂納受世尊  
弟子執心護齋直信如此豈有福乎於是世

默四

五

尊爲受香饗即說偈言

多作寶花 結步搖奇 廣積德香 所生轉好  
奇草芳花 不逆風熏 近道敷開 德人遍香  
栴檀多香 青蓮芳花 雖曰是真 不如戒香  
花香氣微 不可謂真 持戒之香 到天殊勝  
戒具成就 行無放逸 定意度脫 長離魔道

佛說偈已重告王曰齋之福祐明譽廣遠譬  
如天下十六大國滿中珍寶持用布施不如  
末利夫人一日一夕持佛法齋如比其福須  
弥以豆矣積福學慧可到泥洹王及夫人群  
臣大小莫不歡喜執戴奉行

佛在羅閱祇耆闐崛山中城中有長者子五  
十人往詣佛所作禮却坐佛爲說無常苦空  
非身之法恩愛如夢會當別離尊榮豪貴亦  
有憂戚唯有涅槃永離生死羣殃盡滅乃可  
大安時五十人聞法喜悅願爲弟子佛言善  
來比丘鬚髮自墮法衣具足即成沙門此諸  
沙門有親友長者聞其出家意大代其歡喜

往到耆闍崛山與之相見讚言諸君快得善利乃有此志爲之設檀請佛及僧明日佛與

衆會就其舍食食訖說法晡時乃還此諸新

學沙門戀慕宗黨皆欲返退佛知其意將出

城門見田溝中汙泥糞壤中生蓮花五色香潔其香芬熏乃蔽諸臭佛便趣之因說偈言

如田作溝近於大道中生蓮華香潔可意

有生死然凡夫處邊智者樂出爲佛弟子

佛說偈已即還山中賢者阿難前白佛言向

者世尊臨田溝上所說二偈不審其義願聞其意佛告阿難汝見溝中汙泥不淨糞壤之

中生蓮華不唯然見之佛言阿難人在世間

展轉相生計壽百歲或長或短妻子恩愛飢渴寒熱或悲或欣一凶二吉三毒四倒五陰

六入七識八邪九惱十惡猶如田溝畜糞糞壤汙泥不淨歟有一人覺出無常發心學道修清淨志凝神斷想自致得道亦如汙泥生

好蓮華身自得道還度宗親一切衆生皆蒙

默四

六

開解亦如華香掩蔽臭穢五十比丘聞佛說法進志堅固即得阿羅漢道

法句譬喻經愚闇品第十三

佛在舍衛國時城中有婆羅門年向八十財富無數爲人頑闇慳貪難化不識道德不計無常更作好舍前序後堂涼臺樓室東西廂

廡數十梁閒唯後堂前拒陽未訖時婆羅門恒自經營指授衆事佛以道眼見此老公命

不終日當就後世不能自知而方忪忪善治

精神無福甚可憐愍佛將阿難往到其門慰問老公得無勞倦今作此舍皆何所安公言

前廡待客後堂自處東西二廂當安兒息財

物僕使夏上涼臺冬入溫室佛語老公父聞宿德思遲談講偶有要偈存亡有益欲以相

贈不審可小廢事共坐論不老公答言今正大遠不容坐語後日更來當共善叙所云要偈便可說之於是世尊即說偈言

有子有財愚惟汲汲我且非我何有子財

暑當止此 寒當止此 愚多願慮 莫知來變  
愚蒙愚極 自謂我智 愚而稱智 是謂極愚  
婆羅門言善說此偈今實停遠後來更論於  
是世尊傷之而去老公於後自授屋椽墮  
打頭即時命過家室涕哭驚動四隣佛去未  
遠便有此變佛到里頭逢諸梵志數十人問

詰

七

佛從何所來佛言屬到此死公舍爲公說法  
不信佛語不知無常今者忽然已就後世具  
爲諸梵志更說前偈義聞之欣然即得道迹  
於是世尊而說偈言

愚開近智 如瓢斟味 雖父狎習 猶不知法  
開達近智 如舌嘗味 雖須更習 即解道要  
愚人施行 爲身招患 快心作惡 自致重殃  
行爲不善 退是悔吝 致涕流面 報由宿習  
時諸梵志重聞此偈益懷篤信爲佛作禮歡  
喜奉行

昔佛在舍衛國給孤獨精舍爲天人說法時  
波斯匿王有一寡女名曰金剛少寡來歸父

王哀愍別爲宮舍作好舍宅給五百妓女以  
娛樂之衆共有一長老青衣名曰度勝恒行  
市脂粉香華見男女無數大衆各賚香花出  
城即問行人欲何所至衆人答言佛出於世  
三界之尊度脫衆生皆得涅槃度勝聞之心  
悅意喜即自念言今老見佛宿世之福便分  
香直持買好華隨衆人輩往到佛所作禮却  
立散華燒香一心聽法已過市取香因聽法  
功德宿行所追香氣熏聞斤兩倍前嫌其遲  
晚而共詰之度勝奉道即如事言世有聖師  
三界之尊擊無上法鼓震動三千莊聽法者  
無央數人實隨聽法是以稽遲金剛之徒聞  
說世尊法義深妙非世所聞悚然心歡而自  
歎曰吾等何罪獨隔不聞即報度勝試爲我  
說之度勝白曰身賤口穢不敢便宜乞更諮  
授如命說之即便遣出重告之曰具授儀式  
度勝未還金剛侍女側息中庭如子侍母佛  
告度勝汝還說法多所度脫說法之儀先施

高座度勝受勅具宣聖旨皆大歡喜各脫衣一領積爲高座度勝洗浴承佛威神如應說

法金剛之等五百餘人疑解破惡得須陀洹道說法甚羨不覺失火一時燒死即生天上王將人從來爲救火見之已燃收拾棺殮葬送畢訖往過佛所爲佛作禮却坐常位佛問

獸四

八

王所從來也王義手言女金剛不幸不覺失火大小燒盡適棺殮還不審何罪遇此火害

惟願世尊剖告未聞佛告大王過此世時有

城名波羅奈有長者婦將嫁女五百人至城外大祠祀其法難忍他姓之人不得到邊不問親疎來者擲著火中時世有一辟支佛名曰迦羅處在山中晨來分衛暮輒還山迦羅分衛來趣郊祠長者婦見之忿然瞋恚共捉迦羅撲著火中舉身燒爛便現神足飛昇虛空衆女驚怖泣淚悔過長跪舉頭而自陳曰女人愚愚不識至真群愚荒駛致辱神靈自惟過豐罪惡若山願降尊德以消重殃尋聲

即下而般涅槃諸女起塔供養舍利佛爲大王而說偈言

愚憝作惡 不能自解 殊追自焚 罪成熾然

愚所望處 不謂適苦

臨墮墮厄地

乃知不善

佛告大王尔時長者婦今王女金剛是五百侍女今度勝等五百妓女是罪福追人久無彰善惡隨人如影隨形說是法時國內大小信伏歡喜咸歸三尊皆受五戒即得道跡法句譬喻經明哲品第十四

昔有梵志厥年二十天才自然事無大小過目則能自以聰哲而自誓曰天下技術要當盡知一藝不通則非明達也於是遊學無師

獸四

九

不造六藝雜術天文地理醫方鎮厭山崩地動搏捕博奕妓樂搏撮裁割衣裳文繡綾綺厨膳切割調和滋味人間之事無不兼達心自念曰丈夫如此誰能及者試遊諸國摧伏抵對奮名四海技術衝天然後載功竹帛垂勲百代於是遊行往至一國入市觀視見有

一人坐作角弓，揅筋治角，用手如飛作弓調使買者諍。前即自念曰：少來所學，自以具足，邂逅自輕，不學作弓。若彼闡技吾則不如矣。當從受學耳。遂從弓師求爲弟子，盡心受學。月日之中，具解弓法。所作巧妙，乃踰於師。布施財物奉辭而去。去之一國，當渡江水。有一船師用船，若飛迴旋，上下便疾，無雙復。自念曰：吾技雖多，未曾習船。雖爲賤術，其於不知宜當學之。萬技悉備，遂從船師願爲弟子，供奉盡敬。竭力勞勤。月日之中，知其逆順御船，迴旋，乃踰於師。布施財物奉辭而去。復至一國，國王宮殿天下無雙。即自念曰：作此殿匠，巧妙乃余自隱。遊來偶不學之，若與競巧，必不勝矣。且當復學，意乃足耳。遂求殿匠，願爲弟子。盡心供養，執持斤斧。月日之間，具解尺寸方圓規矩，彫文刻鏤木事。盡知天才明朗，事輒勝師。布施所有，辭師而去。用行天下，遍十六大國，命敵捕技，獨言集步，無敢應者。心

自貢高曰：天地之間，誰有勝我者？佛在祇桓，逢見此人，應可化度。佛以神足化作沙門，拄杖持鉢，在前而來。梵志由來國無道法，未見沙門。恠是何人？頃至當問，須臾來到。梵志問曰：百王之則，未見君輩衣裳制度，無有此服宗廟異物，不見此器。君是何人？形服改常也。沙門答曰：吾調身人也。復問：何謂調身？於是沙門因其所習而說偈言：

弓匠調角 水人調船 巧匠調水 智者調身  
譬如厚石 風不能移 智者意重 謾譽不傾  
譬如深淵 澄靜清明 慧人聞道 心淨廓然  
於是沙門說此偈已，身昇虛空，還現佛身三

四

十

十二相八十種好，光明洞達，照耀天地，從虛空來下。謂其人曰：吾道德變化，調身之力也。於是其人五體投地，稽首問曰：願聞調身，其有要乎？佛告梵志：五戒十善，四等六度四禪三解脫，此調身之法也。夫弓船木匠六藝奇術，斯皆綺飾華譽之事，蕩身縱意生死之路。

也梵志聞之欣然信解願爲弟子佛告沙門  
善來鬚髮自墮即成沙門佛重爲說四諦八  
解之要尋時即得阿羅漢道

昔佛在舍衛國有山民居村五六十家去國  
五百里村中有一貧家其主人婦懷妊十月  
雙生二男甚大端正無比父母愛之便爲作  
字一名雙德二名雙福生五六十日其父牧  
牛來還懈息却卧牀上其母出田拾薪未還  
此二小兒左右顧視不見父母便共相責語  
一人言前世之時垂當得道正坐愚意謂命  
可常退墮生死不可計劫今乃得生此貧家  
作子穰草之中以稀耗自覆食飲麤惡裁自  
支身如此至父云何可活皆坐前世戀慕富  
貴放身散意快樂須臾從余已來長塗受苦  
如今憂惱當何怙恃一人答曰我余時小稚  
一時之勤竟不精進而令數世遭諸苦患此  
是自爲非父母作也但共當之復何所言父  
聞二子相責如是甚大恠之謂呼是鬼祟來

獸四

十一

生災變云何數十日小兒乃作此言恐其後  
日殺親滅族曼小未大宜當殺之其父驚山  
閉門捨去到田取薪欲燃火燒殺之其母來  
還問夫用此薪爲夫言甚大可恠所說如是  
此似是鬼必破人門族以其曼小欲燒殺之  
其母聞此意中悵然猶豫未信小停數日更  
聽其言至明日夫婦俱出於戶外潛聽二兒  
在內相責如故夫婦重共聞之甚恠所以便  
共集薪密欲燒之佛以天眼見此夫婦欲燒  
殺二子愍其可憐宿福應度往到其村普放  
光明天地大動山川樹木皆作金色村中大  
小驚到佛所爲佛作禮莫不懼喜知佛至神  
三界無比佛到雙生小兒家二兒見佛光明  
喜踊難量父母又驚各抱一子將至佛所問  
佛世尊此小兒生來四五十日所說如是甚  
共恠之恐作禍害欲火燒殺之正值佛來未  
及得燒不知此小兒爲是何等鬼魅也惟願  
解說是何災殃小兒見佛踊躍歡喜佛見小

兒大笑口出五色光普照天地佛告小兒父

母及村人大小此二小兒非是鬼魅福德之子前迦葉佛時曾作沙門小小共爲朋友同志出家各自精進臨當得道歎起邪想共相沮敗樂世榮華恃福生天下爲侯王國主長者歎起是想便墮退轉不得涅槃受此生死

弥連劫數常相鉤牽輒共雙生遇我世時今始乃生以住供眷佛故餘福應度罪滅福生自識宿命是以世尊故來度之我不度者橫爲火所燒於是世尊即說偈言

大人體無欲 在所昭然明 雖或遭苦樂不高現其智 大賢無世事 不願子財國常守戒慧道 不貪邪富貴 智人知動搖譬如沙中樹 朋友志未強 隨色染其素佛說是時小兒見佛其身即踊如八歲小兒即作沙弥得羅漢道村人大小見佛光相又見小兒形變踊大皆大歡喜得須陀洹道父母疑解亦得法眼

### 法句譬喻經羅漢品第十五

昔有一國名那黎近南海邊其中人民採真珠栴檀以爲常業其國有一家兄弟二人父母終亡欲求分異家有一奴名分那年少聰了賈販市買入海治生無事不知居家財物分爲一分以奴分那持作一分兄弟擲籌弟得分那將妻子空手出舍時世飢儉唯得分那恐不相活以爲愁憂奴分那白大家言願莫愁憂分那作計月日之中當令勝兄大家言若審能余者放汝爲良人大家夫人有私珠物與分那作本時海潮來城內人民至水邊取薪分那持少珠物至城外見一乞兒貧薪薪中有牛頭栴檀香可治重病一兩直千二枚買得持歸破作數十段時有長者得重病當得此牛頭栴檀香二兩合藥求不能得分那持往即得二千兩金如是賣盡所得資財富兄十倍大家感念分那之恩不違言誓

放爲良人隨意所樂分那醉行學道到舍衛國爲佛作禮長跪白佛所出微賤心樂道德

唯願世尊垂慈濟度佛言善來分那頭髮自墮法衣著身即成沙門佛爲說法尋得羅漢道坐自思惟今得六通存亡自由皆主人之恩今當往度并化國人於時分那往到本國

默四

十三

至主人家主人歡喜請坐設食食訖澡手飛昇虛空分身散體半出水火光明洞達從上

來下告主人曰此之神德皆是主人放捨之福往到佛所所學如是主人答曰佛之神化

微妙乃爾願見出尊受其教訓分那答曰但當至心供設饌具佛三達智必自來矣即便

設供宿昔已辦向舍衛國稽首長跪燒香請佛唯願屈尊廣度一切佛知其意即與五百羅漢各以神足往到其舍國王人民莫不驚肅來至佛所五體投地却坐王位食畢澡訖佛爲主人及王官屬廣陳明法皆受五戒爲佛弟子起住佛前數分那日在家精勤出家

得道神德高遠家國蒙度我當云何以報其恩於是世尊重歎分那而說偈言

心已休息 言行亦止 從正解脫 寂然歸滅  
棄欲無著 缺三界障 媚意已絕 是謂上人  
若聚若野 平地高岸 應真所過 莫不蒙度  
彼樂空閑 衆人不能 快哉無姪 無所欲求

佛說偈已主人及王益加歡喜供養七日得須陀洹道

法句譬喻經述千品第十六

昔佛在舍衛國有一長老比丘字般特新作比丘稟性闇塞佛今五百羅漢日日教之三年之中不得一偈國中四輩皆知其愚冥佛愍傷之即呼著前授與一偈守口攝意身莫犯如是行者得度世般特感佛慈恩歡欣心開誦偈上口佛告之曰汝今年老方得一偈人皆知之不足爲奇今當爲汝解說其義一心諦聽般特受教而聽佛即爲說身三口四意三所由觀其所起察其所滅三界五道輪

轉不息由之昇天由之墮淵由之得道涅槃  
自然分別爲說無量妙法般特燿然心開即  
得羅漢道尔時有五百比丘尼別有精舍佛  
日遣一比丘爲說經法明日般特次應當行  
諸尼聞之皆預含笑明日來者我等當逆說  
其偈令之慚愧無所一言明日般特往詣尼

獸四

十四

大小皆出作禮相視而笑坐畢下食食已澡  
手請令說法般特即上高座自藏否曰薄德  
下才未爲沙門頑鈍有素所學不多唯知一  
偈粗識其義當爲敷演願各靜聽諸年少比  
丘尼欲逆說偈口不能開驚怖自責稽首悔  
過般特即如佛所說一一分別身意所由罪  
福內外昇天得道凝神斷想入定之法即時  
諸尼聞其所說甚恠其異一心歡喜皆得羅  
漢道後日國王波斯匿請佛衆僧於正殿會  
佛故現般特威神與鉢令特隨後而行門士  
識之留不聽入鄉爲沙門一偈不了受請何  
爲吾是俗人尚猶知偈豈況沙門無有智慧

施鄉無益不須入門般特即住門外佛坐殿  
上行水已畢般特持鉢伸臂遇以授佛王及  
羣臣夫人太子衆會四輩見臂來入不見其  
形惟而問佛是何人臂佛言是般特比丘臂  
也近日得道向吾使持鉢門士不聽來入是  
以伸臂授吾鉢耳即便請入威神倍常三白  
佛言聞般特本性愚鈍方知一偈何緣得道  
佛告王曰學不必多行之爲上般特解一偈  
義精理入神身口意寂淨如天金人雖多學  
不解不行徒喪識想有何益哉於是世尊即  
說偈言

雖誦千章句義不正不如一要聞可滅意

獸四

十五

雖誦千言不義何益不如一義聞行可度  
雖多誦經不解何益解一法句行可得道  
佛說偈已二百比丘得阿羅漢道王及群臣  
夫人太子莫不歡喜

昔佛在舍衛國精舍之中爲天人說法時舍  
衛國中有婆羅門長者名藍達大富無極其

家貴財不可計數梵志之法當作大櫃以顯

名譽盡家之財持用布施作般闍于瑟供養

婆羅門五千餘人五年之中供給衣被牀榻

醫藥珍奇寶物郊祠供具盡所愛惜諸梵志

等五年之中爲羅摩達長者祭祀諸天四山

五嶽星宿水火無不周遍呪願長者長夜受

福五歲已周最後一日極大布施如長者法

金鉢盛銀粟銀鉢盛金粟象馬車乘奴婢資

財七寶服飾繖蓋履屣鹿皮之衣錫杖跋床

澡罐澡槃牀榻席薦所應當得事事八萬四

千盡持布施當其余日皆來大會鬼神國王

大臣梵志大姓悉來會坐隱隱闇闇莫不歡

欣佛見如是歡然言曰此大姓梵志何以愚

癡所施大多福報薄少如種火中何從得報

也若我不化長離法門於是世尊便起嚴服

化從地出放光明普照衆會大小見之恠

未曾有驚怖悚懼不知何神長者羅摩達及

諸大眾頭面著地爲佛作禮佛見衆人皆有

敬心因其恭肅便說偈言

月千反祠終身不輟不如須臾一心念法

一念造福勝彼終身雖盡百歲奉事火神

不如須臾供養三尊一供養福勝彼百年

於是世尊告監達曰施有四事何等爲四一  
者施多得福報少二者施少得福報多三者

施多得福報多四者施少得福報亦少何謂

施多得福報少者其人愚癡殺生祭祠飲酒

歌舞破損財寶無有福慧何謂施少得報少

者以慳貪惡意施於道士俱兩愚癡是以無

福何謂施少得福多者能以慈心奉道德人

道士食已精進學誦施此雖少其福弥大何

黜四

十六

謂施多得福多者若有賢者覺世無常好心  
出財起立精舍菓園供養三尊衣服牀榻厨  
膳斯福如五河流入於大海福流如是世世  
不斷是施多其福轉多譬如農家地有厚薄  
所得不同尔時藍達長者座中會人見佛變  
化聞說法言皆大歡喜諸天人神皆得須陀

洹五千梵志皆作沙門得應真道主人藍達居家大小皆受五戒亦得逍遙國王大臣皆受自歸爲優婆塞亦得法眼

昔佛在舍衛精舍教化時羅閱祇國有一人爲人兇愚不孝父母輕侮良善不敬長老居門喪耗常不如意便行事火欲求福祐事火

之法日適欲沒燃大火聚向之跪拜或至夜半火滅乃止如是三年不得其福更事日月事日月法畫以日出夜以月明向日月拜沒乃休止如是三年復不得福輒復事天燒香跪拜奉上甘美香華酒脯猪羊牛犧遂至貧

困故不得福勤苦憔悴病不去門聞舍衛國有佛諸天所宗當往奉事必望得福即到佛所至精舍門瞻覩世尊光相晃然容顏奇異於是世尊即說偈言

祭神以求福 從後望其報 四分未望一

不如禮賢者 能善行禮節 常敬長老者四福自然增 色力壽而安

如星中月見佛歡喜頭面作禮叉手白佛生長愚癡不識三尊事火日月及諸天神九年精勤永不蒙福顏色憔悴氣力衰微四大多患死亡無日伏承世尊度人之師故遠自歸

默

十七

願爲福度佛告之曰汝之所事盡是妖邪鬼魅魍魎禱祀如山罪如江海殺生求福去福遠矣正使百劫勤苦盡敵普天猪羊持用禱祀罪如須弥福無芥子徒自費喪豈不惑哉又卿爲人不孝父母輕易賢善不敬長老惰慢貢高三毒熾盛罪疊日深何緣得福若能改心敬禮賢者威儀禮節供奉長老棄惡信善修己崇仁四福日增世世無患何等爲四一者顏色端正二者氣力豐強三者安隱無病四者盡壽終不枉橫行之不憚亦可得道於是世尊即說偈言

祭神以求福 從後望其報 四分未望一不如禮賢者 能善行禮節 常敬長老者四福自然增 色力壽而安

於是其人聞佛此偈歡喜信解稽首作禮重白佛言罪垢所蔽積罪九年僥頗慈化今得開解唯願世尊聽爲沙門佛言善來比丘頭髮自墮即成沙門內思安般即得羅漢道

## 法句譬喻經惡行品第十

昔佛在羅閱祇國這一羅漢名須漫持佛髮  
爪至罽賓南山中佛圖寺五百羅漢常止其  
中旦夕燒香遶塔禮拜時彼山中有五百猕  
猴見道人供養塔寺即便相將至深澗邊負  
葦泥石效作佛圖豎木立刹弊幡繫頭旦夕  
禮拜亦如道人時山水暴漲五百猕猴一時  
漂沒魂神即生第二忉利天上七寶殿舍衣  
養自然各自念言從何所來得生天上即以  
天眼自見本形猕猴之身效諸道人戲作塔  
寺雖身漂沒神得生天今當下報故屍之恩  
各將侍從華香妓樂臨故屍上散華燒香遶  
之七市時山中有五百婆羅門外道邪見不  
信罪福見諸天人散花作樂遶猕猴屍莊而  
問曰諸天光影巍巍乃余何故屈意供養此  
屍諸天人言此屍是吾等故身昔在此間劫  
諸道人戲立塔寺山水暴漲漂沒吾等以此  
微福得生天上今故散華以報故身之恩戲

默四

十八

爲塔寺獲福如此若當至心奉佛其德難喻  
卿等邪見不信正真百劫勤苦無所一得不  
如共往者闍崛山禮事供養得福無限即皆  
欣然共至佛所五體作禮散華供養諸天人  
白佛我等近世猕猴之身蒙世尊之恩得生  
天上恨不見佛今故自歸重白佛言我等前  
世有何罪行受此猕猴身雖作塔寺身被漂  
沒佛告天人此有因緣不從空生吾當爲汝  
說其所由乃往昔時有五百年少婆羅門共  
行入山欲求仙道時山上有一沙門欲於山  
上泥治精舍下欲取水身輕若飛五百婆羅  
門興嫉妬意同聲笑之今此沙門上下翻疾  
亦如猕猴耳何足爲奇也如是取水不止山  
水一來溺死不火佛告諸天人尔時上下沙  
門我身是也五百年少婆羅門者五百猕猴  
身是戲笑作罪身受其報於是世尊即說偈言  
戲笑爲惡已作身行號泣受報隨行罪至  
佛告諸天人汝之近世雖爲獸身乃能戲笑

起作塔寺今得生天罪滅福興今者復來躬奉正教從此因緣長離衆苦佛說是已五百天人即得道迹其所共來水邊五百婆羅門聞罪福之報而自歎曰吾等學仙積有年數未蒙果報不如猕猴戲笑爲福得生天上佛之道德實妙乃尔於是稽首佛足願爲弟子

歐四

十九

佛言善來比丘即成沙門精進日修遂得羅漢道

昔佛在舍衛國精舍之中爲天人說法時國王第二兒名曰琉璃其年二十將從官屬退其父王伐兄太子自擅爲王有一惡臣名曰那利白琉璃王王本爲皇太子時王至舍夷國外家舍看到佛精舍中爲諸釋子所呵罵言無有好醜少時見勑若我爲王便啓此事今時已到兵馬興盛宜當報怨即勑嚴駕引率兵馬往伐舍夷國佛有第二弟子名摩訶目捷連見琉璃王引率兵士伐舍夷國以報宿怨今當伐殺四輩弟子念其可憐便往到

佛所白佛言今琉璃王攻舍夷國我念中人當遭辛苦我欲以四方便救舍夷國人一者舉舍夷國著虛空中二者舉舍夷國人著海中三者舉舍夷國人著兩鐵圍山間四者舉舍夷國人著他方大國中央今琉璃王不知其處佛告目連雖知卿有是智德能安處舍夷國人萬物衆生有七不可避何謂爲七一者生二者老三者病四者死五者罪六者福七者因緣此七事意雖欲避不能得自在如卿威神可得作此宿對罪負不可得離於是目連禮已便去自以私意取舍夷國人知識檀越四五千人盛著鉢中舉著虛空星宿之際琉璃王伐舍夷國殺三億人已引軍還國於是目連往到佛所爲佛作禮自貢高曰琉璃王伐舍夷國弟子承佛威神救舍夷國人四五千人今在虛空皆盡得脫佛告目連卿爲往看鉢中人不也曰未往視之佛言卿先往視鉢中人去還尊者目連以道力下鉢見

中人皆死盡於是目連悽然悲泣愍其辛苦還白佛言鉢中人者今皆死盡道德神力不能免彼宿對之罪佛告目連有此七事佛及衆聖神仙道士隱形散體皆不能免此七事於是世尊以偈說曰

非空非海中

非隱山石間

莫能於此處

歐四

于

避免宿惡殃 衆生有苦惱 不得免老死

唯有仁智者 不念人非惡

佛說是時座上無央數人聞佛說無常法皆共悲哀念對難免欣然得道逮須陀洹證法句譬喻經刀杖品第十八

昔有一國名曰賢提時有長老比丘長病委

頓羸瘦垢穢在賢提精舍中卧無瞻視者佛將五百比丘往至其所使諸比丘傳共視之爲作漿粥而諸比丘聞其臭處皆共賤之佛使天帝釋取湯水佛以金剛之手洗病比丘身體地尋震動燿然大明莫不驚肅國王臣氏天龍鬼神無央數人往到佛所稽首作禮

白佛言佛爲世尊三界無比道德已備云何屈意洗此病瘦垢穢比丘佛告國王及衆會者如來所以出現於世正爲此窮厄無護者耳供養病瘦沙門道士及諸貧窮孤獨老人其福無量所願如意譬如五河流福來如是功德漸滿會當得道王白佛言今此比丘宿有何罪因病積年療治不瘥佛告王曰乃往古昔有王名曰惡行治政嚴暴使一多力伍伯主今鞭人伍伯假王威怒私作寒熱若欲鞭人責其價數得物鞭輕不得便重舉國患之一賢者爲人所訴應當得鞭報伍伯言吾是佛弟子輕無罪過爲人所枉願小垂恕伍伯是

伯聞是佛弟子輕手過鞭無著身者伍伯壽終墮地獄中拷掠萬毒罪滅復出墮畜生中恒被枷杖五百餘世罪畢爲人常嬰重病痛不離身爾時國王者今調達是也伍伯者今此病比丘是也賢者吾身是也吾以前世爲其所怨鞭不著身是故世尊躬爲洗之人作

苦惡殃福隨身雖更生死不可得免於是世尊即說偈言

枉杖良善 妄讒無罪 其殃十倍 災仇無赦  
生受酷痛 形體毀折 自然惱病 失意恍忽  
人所誣染 或縣官厄 財產耗盡 親戚離別  
舍宅所有 火焚燒 死入地獄 如是爲十

時病比丘聞佛此偈及宿命事自知本行尅心自責即於佛前所患除愈身安意定即得阿羅漢道賢提國王歡喜信解尋受五戒爲清信士沒命奉行得須陀洹道

昔佛在舍衛國祇樹給孤獨園精舍中爲天人龍鬼說法東方有國名鬱多羅波提有婆羅門等五百人相率欲詣恒水岸邊有三祠坤池沐浴垢穢裸形求仙如尼捷法道由大澤迷不得過中道乏糧遙望見一樹如有神氣想有人居馳趣樹下了無所見婆羅門等舉聲大哭飢渴委厄窮死斯澤樹神人現問諸梵志道士那來今欲何行同聲答曰欲詣

神池澡浴望仙今日飢渴幸哀矜濟樹神即舉手百味飲食從手流溢給衆飯食皆得飽滿其餘飲食足供道糧臨當別去詣神請問本行何德致此巍巍神答梵志吾本所居在舍衛國時國大臣名曰須達飯佛衆僧於市買酪無提酪者左右顧視倩我提之往到精舍使我斟酌訖行澡水儼然聽法一切歡喜稱善無量時我奉齋暮還不食婦恠問我不審何恨答曰不恨也吾行於市見長者須達於園飯佛請我往齋齋名八關其婦瞋恚忿然言曰瞿曇亂俗奚足採納君不歎遺則禍從此興跋迫不已便共俱食時我余夜年壽九二一四

筭盡終於夜半神來生此爲是愚婦敗我齋法不卒其業來生斯澤作此樹神提酪之福手出飲食若終齋法應生天上封受自然即爲梵志而說偈頌曰

祠祀種禍根 日夜長枝條 唐苦敗身本

梵志聞偈悉解信受旋還舍衛路由一國國名拘藍尼有長者名曰羨音爲人慈恩衆人敬仰梵志過宿長者問曰道士何來今欲所至具陳彼澤樹神功德欲詣舍衛造須達所攢採齋法冀蒙得福羨音喜踊宿行所追恒自解暢宣今宗室誰能共行受齋揩式合五百人僉然應命本願相引咸議嚴出共詣舍衛未至祇洹道逢須達顧問從者此何丈夫對曰須達梵志衆等喜而追曰吾願成矣求人得人馳趣相見同聲歎曰樹神歎德注仰虛心具說所嗟故來投託冀覩法齋住車荅曰所求大善吾有尊師號曰如來祐度人類近在祇洹可共親造敬諾恭肅進前逢見如來情喜難量五體投地退坐一面皆共長跪白世尊曰本初發家欲至三池沐浴求仙經由樹神所陳如此是故授化願示極路於是世尊因其所行而爲說偈

雖裸剪髮 扱服草衣 沐浴踞石 奈縗結何

廿三

年

法句譬喻經卷第二

不伐殺燒 亦不求勝 仁愛天下 所適無怨  
 五百梵志聞偈歡喜皆作沙門得應真道羨音宗等逮得法眼諸比丘白佛言五百梵志及長者等本行何德得道何速世尊告曰過去久遠時世有佛名曰迦葉爲諸弟子說我當來五濁之時時有梵志長者千人同發是言令我遭見釋迦文佛爾時梵志者今此等梵志是余時長者今羨音等是從是因緣見我便解比丘歡喜作禮奉行

法句譬喻經卷第二

憂愆

上正作乾  
下去乾  
反罪也

憲神

上魚  
陵反  
下汝兩  
也

揜水

上音菊  
手捧也  
下必

撲

蒲角  
反

掩蔽

祭反  
距

搏撮

上音博下  
活反  
瓢步苗反

搏

七

過疊

下許近  
反罪也

荒駛

下音亦園基  
謂之  
也

鬼祟

遂反私  
舍

撲

搏  
音也

耽遲

上音  
遮日屏障也

稀鵠

下胡  
葛反

搏

博  
居反

弈

音也

搏

搏  
居反

疊

謂之  
亦園基

鬼祟

遂反私  
舍

廡

無禹反堂  
下屋也

厨膳

下時  
館

避近

上何懈反下音  
不期之意

探

上音  
土舍

探

反

擊<sub>音</sub><sub>反</sub><sub>一</sub> 糜草<sub>上</sub><sub>而羊反</sub> 沮敗<sub>上才呂</sub><sub>反</sub> 二枚<sub>下</sub>  
梅否<sub>毗美反</sub> 穎鈍<sub>困反</sub> 貲財<sub>斯反</sub> 牀檜<sub>塔下音</sub>  
珍琦<sub>塞也</sub><sub>音</sub> 瘦屣<sub>下所綺</sub> 漑罐<sub>上音早下音</sub>  
暗輕侮<sub>奇音</sub><sub>武反</sub> 跡賓<sub>上居倒</sub> 暴漲<sub>國名</sub><sub>淨瓶也</sub>  
拔<sub>竹瓜反</sub> 流溢<sub>下夷反</sub> 跛迫<sub>水泛大也</sub><sub>反</sub> 捶<sub>國名</sub>  
鎮<sub>五穀反</sub> 府舍<sub>也</sub>

### 法句譬喻經卷第三

獸五

西晉沙門法炬共法立譯

老耄品第十九

昔佛在舍衛國祇樹精舍食後爲天人帝王  
臣民四輩弟子說甘露法時有遠方長老婆  
羅門七人來至佛所稽首於地叉手白佛言

僧明義

命欲盡佛哀愍之起至其房而告之曰卿等  
爲道當求度世何爲大笑一切衆生以五事  
自恃何謂爲五一者恃怙年少二者恃怙端  
正三者恃怙多力四者恃怙財富五者恃怙  
貴姓卿等七人小語大笑爲何恃怙於是世  
尊即說偈言

何喜何笑 念常熾然 深蔽幽冥 不如求定  
見身形範 倚以爲安 多想致病 岂知不真  
老則色衰 病無光澤 皮緩肌縮 死命近促  
身死神徒 如御棄車 肉消骨散 身何可怙  
佛說偈已 七比丘意解望止即於佛前逮得  
阿羅漢道

昔佛在舍衛精舍爲諸天人帝王說法時有  
婆羅門村五百餘家中有五百年少婆羅門  
修婆羅門術爲人憍慢不敬長老貢高自貴  
人覩見世尊尋得爲道不惟無常共坐房中  
但思世事小語大笑不計成敗命日促盡不  
與人期但共喜笑迷意三界佛以三達智知  
來論議事事詰問知爲何如即辦供具往請